

# Folk & Traditional Song Lyrics

[www.traditionalmusic.co.uk](http://www.traditionalmusic.co.uk)

## Willie O'Douglas Dale

Willie O'Douglas Dale

O Willy was as brave a lord  
As ever saild the sea,  
And he has gane to the English court,  
To serve for meat and fee.

He had nae been at the kingis court  
A twelvemonth and a day,  
Till he longd for a sight o' the king's daughter  
But ane he coud never see.

O it fell ance upon a day  
To the green wood she has gane,  
An Willy he has followd her,  
With the clear light o the moon.

He looted him low, by her did go,  
Wi his hat in@ll his hand:  
'O what's your will wi me, Sir Knight?  
I pray keep your hat on.'

'O I am not a knight, Madam,  
Nor never thinks to be;  
For I am Willy o' Douglassdale,  
An I serve for meat and fee.'

'O I'll gang to my bowr,' she says,  
'An sigh baith even an morn  
That ever I saw your face, Willy,  
Or that ever ye was born.

'O I'll gang to my bowr,' she says,  
'An I'll pray baith night an day,  
To keep me frae your tempting looks,  
An frae your great beauty.

O in a litte after that  
He keptit Dame Oliphant's bowr,  
An the love that passd between this twa,  
It was like paramour.

'O narrow, narrow's my gown, Willy,  
That wont to be sae wide;

An short, short is my coats, Willy,  
That wont to be sae side;  
An gane is a' my fair colour,  
An low laid is my pride.

'But an my father get word of this,  
He'll never drink again;  
An gin my mother get word of tthis,  
In her ain bowr she'll go brain;  
An gin my bold brothers get word o this  
I fear, Willy, you'll be slain.'

'O will you leave your father's court.  
An go along wi me?  
I'll carry you unto fair Scotland,  
And mak you a lady free.'

She pat her han in her pocket  
An gae him five hunder poun:  
'An take you that now Squire Willy,  
Till awa that we do won.'

Whan day was gane, and night was come,  
She lap the castle-wa;  
But Willy kepit bis gay lady,  
He was laith to let her fa.

Whan nigh, was gane, an day come in,  
An lions gaed to their dens,  
An ay the lady followd him,  
An the tears came hailin

'O want ye ribbons to your hair?  
Or roses to your shoone?  
Or want ye as meickle dear bought love  
As your ain heart can contain?'

'I want nae ribbons to my hair,  
Nor roses till my shoone;  
An Ohone, alas, for dear bought love!  
I have mair nor I can contain.'

O he's pu'd the oak in good green wood,  
An he's made to her a fire;  
He coverd it oer wi withred leaves,  
An gard it burn thro ire.

He made a bed i the good green wood,  
An he's laid his lady down,

An he's coverd her oer wi fig-tree leaves,  
But an his ain night-gown.

'O had I a bunch o yon red roddins,  
That grows in yonder wood,  
But an a drink o water clear,  
I think it woud do me good.'

He's pu'd her a bunch o yon red roddins,  
That grew beside yon thorn,  
But an a drink o water clear,  
Intill his huntng-horn.

He's bent hls bow, and shot the deer,  
An thro the green wood gane,  
An ere that he came back again  
His lady took travailing.

'O up ye tak that horn,' she says,  
'An ye blaw a blast for me;  
Gin my father be in good green wood,  
Sae seen s he'll come me ti.

'O gin there be a man on earth  
That ye loo better nor me,  
Ye blaw the horn yoursel,' he says,  
'For it's never be blawn by me.'

O he's bent his bow, an shot the deer,  
An thro the greenwood has he gane,  
And lang or he came back again  
His ladu bare him a son.

'O up has he tane his bonny young son,  
An washn him wi the milk,  
An up has he tane his gay lady,  
An rowd her i the silk.

He's bent his bow, and shot the deer,  
An thro the green wood has he gane,  
Till he met wi a well-fard may,  
Her father's flock feeding.

'Ye leave your father's flock feeding,  
An go along wi me;  
I'll carry you to a lady fair,  
Will gi you both meat and fee.'

O whan she came the lady before,

She's fa'n down on her knee:  
'O what's your will wi me, my dame?  
An a dame you seem to be,'

'O I'm Dame Oliphant, the king's daughter,  
Nae doubt but ye've heard o me;  
Will you leave your father's flock feeding,  
An go to Scotlan wi me?

'An ye sal get a nouriship  
Intill an earidome,  
An I will gar provide for the  
To marry some brave Scotsman.

The may she keepit the bonny boy,  
An Willy led his lady,  
Untill they took their fair shippin,  
Then quikly hame came they.

The win was fair, an the sea was clear,  
An they a'wan safe to lan;  
He's hail'd her lady of Douglasdale,  
Himsel the lord within.

Child #101

Printed in Buchan Book of Scottish Ballads  
SOF

apr96